

**"XALQ SO`ZI" VA "NARODNOYE SLOVO"
GAZETALARI TAHRIRIYATI" ДУК**

«Ўзэкспомарказ» МКК» АЖ Сиздан иловадаги эълонни газетангизнинг навбатдаги сонидида чоп этишингизни сўрайди.
Тўлов кафолатланади.

Бошқарув раиси

О.Саидхонов

**«Ўзэкспомарказ» Миллий кўргазма компанияси» акциядорлик жамияти
акциядорларининг йиллик умумий йиғилиши ўтказилиши тўғрисида
ХАБАРНОМА**

Ҳурматли акциядорлар!

«Ўзэкспомарказ» МКК» АЖ Кузатув кенгашининг 2025 йил 5 июндаги қарорига асосан Жамият акциядорларининг йиллик умумий йиғилиши **2025 йил 30 июнь** куни, Тошкент шаҳар, Юнусобод тумани, Амир Темури шох кўчаси, 107 уй бўйича жойлашган Жамиятнинг бош офиси биносида ўтказилади.

Йиғилиш соат 11:00 да бошланади. Акциядорларни рўйхатга олиш соат 10:00 дан бошланади. Акциядорларни рўйхатга олиш соат 10:50 да тугатилади. Умумий йиғилиш ўтказиш учун Жамият акциядорлари реестри **2025 йил 24 июнь** ҳолатига тузилади.

Кун тартиби:

1. Санок комиссияси аъзолари таркибини тасдиқлаш.
2. Акциядорлар йиллик умумий йиғилишини ўтказиш регламентини тасдиқлаш.
3. Жамият Кузатув кенгашининг 2024 йил якуни бўйича ҳисоботини тасдиқлаш.
4. Жамият фаолиятининг 2024 йил якунлари бўйича Бошқарув раисининг йиллик ҳисоботини тасдиқлаш.
5. Жамиятнинг корпоратив бошқарув тизимини баҳолаш натижалари ва Жамиятда корпоратив бошқарув қоидаларига риоя қилиш мониторинги натижаларини кўриб чиқиш.
6. Жамиятнинг 2024 йил якунлари бўйича соф фойдасини тақсимлаш.
7. Жамиятнинг 2025 йил учун мўлжалланган Бизнес-режасини тасдиқлаш.
8. Жамият ижро органи (Бошқарув раиси ва аъзоларини) ваколатларини узайтириш ва тасдиқлаш.
9. Жамиятнинг аффилиланган шахслари билан тузилиши кутилаётган жорий хўжалик фаолияти билан боғлиқ битимларни тасдиқлаш.
10. Жамиятнинг 2025 йил молиявий-хўжалик фаолиятини молиявий ҳисоботларнинг миллий ва халқаро стандартлари талабларига мувофиқ ташқи аудит текширувидан ўтказиш, шунингдек, 2025 йил учун ҳисобланган самарадорликнинг муҳим кўрсаткичлари миқдорини текшириш бўйича аудиторлик ташкилотини танлаш ва унга тўланадиган ҳақ миқдорини белгилаш.
11. «Ўзбекистон Республикаси Ташқи иқтисодий фаолият миллий банки» акциядорлик жамияти билан тузиладиган кредит шартномаси бўйича йирик битимни тасдиқлаш.
12. Жамиятнинг эълон қилинган акциялари миқдорини белгилаш тўғрисида.
13. Жамият ташкилий тузилмасига киритилаётган ўзгартиришларни маъқуллаш ва Жамият ташкилий тузилмасини янги тахрирда тасдиқлаш тўғрисида.
14. Жамият Уставига киритилаётган ўзгартириш ва қўшимчаларни маъқуллаш ва Жамият Уставини янги тахрирда тасдиқлаш тўғрисида.
15. Жамиятнинг бошқарув органлари меҳнатига ҳақ ва компенсациялар тўлаш тартиби тўғрисидаги Низомини янги тахрирда тасдиқлаш тўғрисида.

Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 40 ва 41-моддаларига асосан, «Ўзэкспомарказ» МКК» АЖ акциядорлари, «Ўзбекистон Республикаси Ташқи иқтисодий фаолият миллий банки» акциядорлик жамияти билан тузиладиган кредит шартномаси бўйича йирик битимни тасдиқлаш тўғрисидаги қарорга қарши овоз берган бўлса ёхуд овоз беришда узрли сабабларга кўра иштирок этмаган бўлса, ўзларига тегишли акцияларнинг ҳаммаси ёки бир қисми жамият томонидан қайтариб сотиб олиншини талаб қилишга ҳақли эканликларини маълум қиламиз.

Акцияларни жамият томонидан қайтариб сотиб олинишини талаб қилиш ҳуқуқига эга бўлган акциядорларнинг рўйхати **2025 йил 24 июнь** ҳолатига тузилади.

Жамият томонидан акцияларни қайтариб сотиб олиш акцияларнинг бозор қиймати бўйича нақдсиз пул ўтказиш йўли билан (миллий валютада) амалга оширилади.

Жамият томонидан сотиб олинadиган 1 дона оддий акциянинг бозор қиймати мустақил баҳоловчи ташкилот томонидан аниқланган Жамият акцияларининг бозор нархи доирасида амалга оширилади.

Акцияларни жамият томонидан қайтариб сотиб олиниши учун акциядорлар:

а) акциядорнинг яшаш жойи (жойлашган ери), депо ҳисоб варағидан кўчирма (ёки нусхаси), сотиб олиниши талаб қилинаётган акциялар сони ва акцияларни тўлаш учун маблағлар ўтказилиши лозим бўлган банк реквизитларини кўрсатган ҳолда жамиятга ўз акцияларини қайтариб сотиб олиш тўғрисида ёзма талаб (ариза) юбориши;

б) Паспорт ёки шахс гувоҳномаси билан шахсан келиши ёки акцияларни қайтариб олиш шартномасини тузиш учун тегишли тарзда расмийлаштирилган ишончнома билан ваколатли вакилни жамиятга юбориши;

с) юридик шахс мақомига эга бўлган жамият акциядорлари билан акцияларни қайтариб сотиб олиш тўғрисида шартнома тузиш учун ушбу юридик шахс раҳбари ёки ваколатли вакили иштирок этиши лозим бўлади.

Акциядорларнинг ўзларига тегишли акцияларнинг жамият томонидан қайтариб сотиб олиниши тўғрисидаги ёзма талаблари акциядорлар умумий йиғилишининг тегишли қарори қабул қилинган кундан эътиборан 30 (ўттиз) кундан кечиктирмай жамиятга тақдим этилиши керак. Мазкур муддат тугаганидан сўнг, Жамият, қайтариб сотиб олиш талабини қўйган акциядорлардан акцияларни 10 (ўн) кун ичида қайтариб сотиб олади.

Жамиятнинг ўз акцияларини сотиб олиши бўйича тузиладиган шартномалар (битимлар), қонун ҳужжатларида белгиланган тартибда уюшмаган биржадан ташқари қимматли қоғозлар бозорида амалга оширилади ва акциядорларга хизмат кўрсатувчи инвестиция воситачилари томонидан рўхатдан ўтказилади. Инвестиция воситачилари хизмати хақи Жамият томонидан тўланади.

Жамият томонидан акцияларни қайтариб сотиб олишга йўналтириладиган маблағларнинг умумий суммаси акциядорларда ўзларига қарашли акцияларни қайтариб сотиб олишни талаб қилиш ҳуқуқи юзага келишига сабаб бўлган қарор қабул қилинган санадаги жамият соф активлари қийматининг ўн фоизидан ошиб кетиши мумкин эмас.

Акциядорларнинг умумий йиғилишида қатнашиш ва овоз бериш учун, акциядорларда шахсни тасдиқловчи ҳужжат, акциядорлар вакилларида эса қонунчиликда белгиланган тартибда расмийлаштирилган ишончнома бўлиши лозим.

Акциядорлар умумий йиғилишда кўриб чиқилadиган масалалар бўйича маълумот ва материаллар билан Тошкент шаҳар, Юнусобод тумани, Амир Темур шоҳ кўчаси, 107 уйда жойлашган «Ўзэкспомарказ» МКК» АЖнинг биносида 2025 йил 16 июндан 2025 йил 27 июнга қадар иш кунлари соат 10:00 дан 16:00 гача танишишлари мумкин.

Электрон почта манзили: info@uzexpocentre.uz.

Телефон: (+99871) 238-56-21